

**I** FLETËUDHËZUES I PAKETIMIT:  
Informacion për pacientin

# METOPROLOL

Tableta – 100 mg  
(Metoprolol tartrat)

## Lexojeni me kujdes këtë fletëudhëzues përpara se të filloni përdorimin e barit.

- Ruajeni këtë fletëudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë. Mund t'i dëmtojë ata edhe pse mund të kenë të njëjtat simptoma me ju.
- Në qoftë se ndonjë prej efektëve anësore keqësohet ose në qoftë se vëreni ndonjë efekt tjetër anësor që nuk përmendet në këtë fletëudhëzues, ju lutemi të njoftoni mjekun ose farmacistin tuaj.

## Në këtë fletëudhëzues:

1. Çfarë është Metoprolol dhe përse përdoret
2. Përpara se të merrni Metoprolol
3. Si ta merrni Metoprolol
4. Efekte anësore të mundshme
5. Si ta ruani Metoprolol
6. Informacion i mëtejshëm

## 1. ÇFARË ËSHTË METOPROLOL DHE PËRSE PËRDORET

Metoprololi është antagonist kompetitiv, selektiv i receptorëve beta-1 adrenergjikë. Ai nuk zotëron as veti membrano-stabilizuese, as veti simpatomimetike intrinsike. Bllokada e beta -1 receptorëve zvogëlon fuqinë kontraktuese të zemrës, pakëson frekuencën sinusale. Metoprololi absorbohet shpejt nga trakti gastro-intestinal por i nënshtrohet metabolizmit të kalimit të parë. Përqëndrimet plazmatike maksimale variojnë nga 1.5-2 orë pas një doze të vetme orale. Metoprololi shpërndahet gjerësisht, kalon barrierën hematoencefalike si dhe placentën, gjithashtu kalon në qumështin e gjirit. Lidhet rreth 12% me proteinat plazmatike. Metabolizohet në mënyrë të ndryshme bashku me një pjesë të vogël të barit të pandryshuar jashtëqiten me urinë.

## Metoprolol – tabletë – 100 mg përdoret në:

- trajtimin e hipertensionit arterial,
- angina pectoris,
- aritmi kardiake,
- infarkt të miokardit,
- trajtimin ndihmës në hipertiroidizëm,
- profilaksi të migrenës.

## 2. PËRPARA SE TË MERRNI METOPROLOL Mos merrni Metoprolol:

- në qoftë se jeni i ndjeshëm (alergjik) ndaj metoprololit tartrat ose ndaj ndonjërit prej përbërësve të tjerë të barit.
- Metoprololi është i kundërlinduar në pacientët me bradikardi sinusale të theksuar, bllok AV, shok

kardiogjen, insuficiencë kardiake kongjестive, sëmundje vaskulare periferike, feokromocitomë, sindromin e sinusit të sëmurë; Bari kundërlindkohet në trajtimin e infarktit akut të miokardit të shoqëruar me hipotension (presioni sistolik < 100 mm Hg).

## Tregoni kujdes të veçantë me Metoprolol

Pyesni mjekun tuaj përpara se të merrni Metoprolol.

- Metoprololi duhet përdorur me kujdes në të sëmurët me funksion të pamjaftueshëm të miokardit pasi insuficiencia kongjестive kardiake mund të precipitohet nga bllokada β-adrenergjike.
- Metoprololi duhet përdorur me kujdes në të sëmurët me disfunkcion të njës sinusale, meqë bari mund të deprimojë njën SA automatikisht.
- Duhet të evitohet ndërprerja e menjëhershme e metoprololit në të sëmurët me sëmundje kardiake, pasi mund të shkaktojë një rritje të simptomave të anginës, ishemi të miokardit, infarkt të miokardit.

## Marrja e barnave të tjera:

Trajtimi i njëkohshëm me barna të tjera mund të ndikojë ose të ndikohet nga Metoprolol. Ju lutemi të kontaktoni me mjekun ose farmacistin tuaj në qoftë se jeni duke marrë ose keni marrë kohët e fundit barna të tjera, përfshirë ato të marra pa recetë. Mos harroni të informoni mjekun tuaj për trajtimin me Metoprolol në qoftë se ju jepet ndonjë bar tjetër gjatë trajtimit.

Është veçanërisht e rëndësishme që mjeku juaj të jetë në dijeni të faktit që ju jeni duke u trajtuar me:

- anesteziqë: rritin efektet hipotensive të beta bllokuesve;
- antiacidë: biondisponibiliteti i metoprololit rritet nga marrja e njëkohshme me antiacidë që përbajnë kripëra alumini ose magnez;
- antiaritmikë: kombinimi i beta bllokuesve me antiaritmikë mund të shkaktojë bradikardi dhe insuficiencë kardiake;
- antihipertensivë: kombinimi i metoprololit me antihipertensivë të tjerë jep efekte additive (shtesë);
- bllokues të kanaleve të Ca: kombinimi i beta bllokuesve me bllokues të kanaleve të Ca rezultojnë në hipotension, bradikardi dhe insuficiencë kardiake;
- antiinflamatorë josteroidë: mund të pakësojnë efektin antihipertensiv të metoprololit;
- analgjezikë opioidë: biondisponibiliteti i metoprololit rritet nga marrja e njëkohshme e analgjezikëve opioidë.

## Shtatzënia

**Kërkoni këshillën e farmacistit ose të mjekut përpara se të merrni këtë bar.** Këshillohet mënjanimi i përdorimit të Metoprolol gjatë shtatzënisë. Metoprolol nuk duhet të përdoret gjatë periudhës së shtatzënisë, përveç rastit kur mjeku e shihet të nevojshme dhe matet faktori risk / benefit. Prandaj, gjithmonë konsultohuni me mjekun tuaj përpara se të përdorni Metoprolol gjatë shtatzënisë.

## Ushqimi me gji

Metoprolol kalon në qumështin e gjirit dhe prandaj nuk duhet të përdoret gjatë ushqimit të foshnjës me gji. Megjithatë, në qoftë se është shumë i nevojshëm

përdorimi i Metoprolol, duhet që foshnja të monitorohet për efektin që mund të shkaktojë ky bar.

**Drejtimi i automjetit dhe përdorimi i makinerive** Bari ka ndikim në aftësitë për të drejtuar automjetin dhe përdorur makineri. Ai mund të shkaktojë marramendje.

## 3. SI TA MERRNI METOPROLOL

Gjithmonë merrni tabletat Metoprolol sipas këshillës së mjekut. Në qoftë se nuk jeni i sigurt kontaktoni me mjekun ose farmacistin. Në qoftë se ndjeni që efektet e Metoprolol janë shumë të forta ose shumë të dobëta, flisni me mjekun ose farmacistin tuaj. Tabletat duhet të gëlltiten me të paktën gjysëm gotë ujë.

- Trajtim i hipertensionit: Doza fillestare 100 mg në ditë, e cila rritet çdo javë sipas përgjigjes deri në 400 mg në ditë; mund të merret si një dozë e vetme ose e ndarë dy herë në ditë. Doza mbajtëse është 100 - 200 mg në ditë.
- Angina pectoris: 50 - 100 mg dy ose tre herë në ditë.
- Aritmi kardiake: 50 mg dy ose tre herë në ditë, dozë që rritet në rast nevojë deri në 300 mg në ditë në doza të ndara.
- Si ndihmës në trajtimin e infarktit akut të miokardit: 5 mg metoprolol tartrat IV në intervale 2 minuta deri në një total prej 15 mg. Kjo duhet ndjekur nga trajtim oral me 50 mg çdo 6 orë për 2 ditë.
- Si ndihmës në trajtimin e hipertiroidizmit: 50 mg 4 herë në ditë.
- Për profilaksinë e migrenës: 100 - 200 mg në ditë në doza të ndara.

## Në qoftë se keni marrë më shumë Metoprolol:

Në qoftë se keni marrë më shumë Metoprolol se sasia që duhet të merrni, ose në qoftë se fëmijët e kanë marrë gabimisht këtë bar, ju lutemi të kontaktoni mjekun tuaj, spitalin ose të telefononi urgjencën për të marrë një mendim për rrezikun dhe këshillë për veprimet që duhet të ndërmerren. Shenjat që shfaqen zakonisht nga marrja e një sasive të madhe të metoprololit janë: bradikardi, hipotension, bronkospazma, insuficiencë akute kardiake, shok, arrest kardiak. Shenja të tjera: nauze, të vjella, cianoze. Masat që merren janë lavazhi gastrik si dhe trajtime të tjera që ndërmerren nga mjeku në raste të ndryshme.

## Në qoftë se keni harruar të merrni Metoprolol:

Në qoftë se harroni një dozë (ose më shumë dozë), merrni dozën në vazhdim kur të jetë koha për marrjen e zakonshme të saj. Mos merrni një dozë të dyfishtë (ose më të lartë) për të plotësuar dozën (dozat) e harruar(a). Në qoftë se keni pyetje të mëtejshme mbi përdorimin e këtij produkti, pyesni mjekun ose farmacistin tuaj.

## 4. EFEKTE ANËSORE TË MUNDSHME TË METOPROLOL

Si të gjithë barnat e tjera, Metoprolol mund të shkaktojë efekte anësore, megjithëse jo çdokush i manifeston. Ndonjëherë ato janë serioze ndonjëherë jo. Mos u alarmoni nga kjo listë e efekteve të mundshme anësore. Mund të mos ju shfaqet asnjë prej tyre.

Shumica e efekteve anësore në pacientët që trajtohen me Metoprolol janë pasojë e ekzagjerimit të efekteve terapeutike.

- Ato vërehen kryesisht në sistemin kardiovaskular dhe shprehen me: bradikardi sinusale, bllok AV, precipitim ose rëndim të insuficiencës kardiake, hipotension, sinkop.
- Efektet anësore kryesore në SNQ janë: marrje mendsh, lodhje, depresion, pagjumësi, etj.
- Efektet anësore në traktin gastrointestinal vërehen në 2 - 4% të rasteve dhe shfaqen kryesisht me diarje, nauze ose të vjella.
- Efektet anësore dermatologjike janë të rralla (alopeci, rash psoriaziform, purpura, eritemë, hipopigmentim).

## 5. SI TA RUANI METOPROLOL

Mbajeni larg fëmijëve! Mos i përdorni tabletat pas datës së skadimit e cila është e shënuar në paketim. Mos i ruani mbi 25°C! Ruajini tabletat në paketimin origjinal për t'i mbrojtur nga drita.

## 6. INFORMACION I MËTEJSHËM

**Çfarë përmban Metoprolol – tabletë – 100 mg** Lënda vepruese është Metoprolol tartrat.

Çdo tabletë Metoprolol përmban 100 mg metoprolol tartrat.

**Përbërësit e tjerë** janë: laktozë monohidrat, celulozë mikrokristalore, stearat magnez, glikolat natriumi i amidonit, dioksid silici koloidal, kroskarmelozë natriumi, talk.

## Përbajtja e paketimit

Forma e paketimit: kuti me 30 tableta.

## Shpjegues i ikonave ilustruese për paketim:



Sipas recetës së mjekut.



Përbajtja. **!** Kujdes.



Forma e tabletës.

## Mbajtësi i autorizimit për tregtim (MAT) dhe prodhuesi:



**PROFARMA Sh.a.**  
Rruga "Myslym Keta"  
Tel.Fax: 00 355 4 23 62 800  
Tiranë - SHQIPËRI

**Ky fletëudhëzues u rishikua për herë të fundit në Shtator 2013.**

**PAY ATTENTION**, all the layers are visible.

If you have to print this document please check or uncheck the specific layers.

SPECIFICATION



CROPPING AREA 12 x 19 cm